

Truenorth ehf.
Þór Kjartansson
Suðurlandsbraut 4
108 Reykjavík

Akureyri 14. júní 2018
UST201806-121/H.V.
09.06.01

Leyfi til kvikmyndatöku innan verndarsvæðis Mývatns og Laxár

Umhverfisstofnun hefur borist umsókn Þórs Kjartanssonar, f.h. TrueNorth, þar sem óskað er leyfis til kvikmyndatöku á tilgreindum svæðum í Mývatnssveit.

Mývatn og Laxá í Suður-Þingeyjarsýslu eru vernduð með lögum nr. 97/2004. Markmið laganna er að varðveita líffræðilega fjölbreytni, jarðmyndanir og landslag svæðisins. Í 17. gr. reglugerðar nr. 665/2012 um verndun Mývatns og Laxár í Suður-Þingeyjarsýslu segir að leita skuli leyfis Umhverfisstofnunar fyrir hvers konar framkvæmdum og hvers konar starfsemi á verndarsvæðinu sem getur haft áhrif á lífriki, jarðmyndanir og landslag svæðisins.

Lýsing verkefnis

Sótt er um leyfi til kvikmynda fuglalíf við Skútustaðagíga, Laxá og bakka Mývatns við Höfða, Kálfaströnd, Neslandavík og hverasvæði við Leirhnjúkshraun og Hverarönd. Fyrirhugað er að mynda með kvikmyndavél á þrifót, en í gögnum frá umsækjanda kemur fram að einnig er óskað eftir leyfi til að nota dróna í eina töku til að sýna landsvæðið. Tveir starfsmenn munu koma að kvikmyndatökunni. Ekki er þörf á uppsetningu neins (tjaldbúðir, leikmynd o.s.frv.) í tengslum við kvikmyndatökuna, ekki verða notuð vélknún tæki, ekki farið út fyrir göngustíga eða vegi og ekki er gert ráð fyrir raski á jarðvegi, gróðri eða dýralífi.

Í gögnum frá umsækjanda kemur fram að leyfi landeigenda hafi fengist fyrir kvikmyndatökunni.

Umsagnir

Í samræmi við ákvæði 17. gr. reglugerðar nr. 665/2012 um verndun Mývatns og Laxár í Suður-Þingeyjarsýslu leitaði Umhverfisstofnun umsagnar Náttúrufræðistofnunar Íslands og Náttúrurannsóknastöðvarinnar við Mývatn um umsóknina.

Í umsögn Náttúrurannsóknastöðvarinnar við Mývatn kom fram að ekki var gerð athugasemd við kvikmyndatökuna svo fremi sem haft sé samráð við Umhverfisstofnun og landeigendur.

Í umsögn Náttúrufræðistofnunar Íslands kemur fram að ekki eru gerðar athugasemdir við að leyfi sé veitt til almennrar myndatöku með vél og þrífaði á þeim stöðum sem óskað er eftir enda sé ekki farið út fyrir stíga sem almennt er heimilt að nota. Náttúrufræðistofnun mælir hins vegar ekki með kvíkmyndatöku með dróna á viðkvænum fuglasvæðum. Stofnunin leggur til að aðeins verði heimilað að taka yfirlitsmyndir eftir þeim almennu reglum sem gilda um dróna og þá án þess að truflun verði af fyrir lífríki og náttúruunnendur. Náttúrufræðistofnun mælir einnig með að haft verði samráð við staðkunnuga á svæðinu til að meta hvar sé heppilegast að mynda til að ekki hljótist af truflun.

Áhrifamat

Fyrirhugað kvíkmyndaverkefni er innan verndarsvæðis Mývatns og Laxá sem er verndað með sérlögum nr. 97/2004. Mývatn og Laxá er einnig á lista RAMSAR sáttmálans, tilnefnt af íslenska ríkinu sem mikilvægt votlendissvæði á heimsvisu. Einstakar jarðmyndanir er þar að finna og einstakt lífríki, en óvíða á landinu er að finna jafn margar varptegundir anda og við Mývatn og Laxá.

Sótt er um leyfi til að kvíkmynda dýralíf innan þess svæðis sem verndað er, annars vegar með kvíkmyndatökuvél á þrífaði innan stíga, og hins vegar að taka yfirlistmynd með dróna.

Sérfræðingur Umhverfisstofnunar metur að ekki séu líkur á að tökurnar muni hafa áhrif á verndarþætti á svæðinu að uppfylltum skilyrðum. Drónaflug gæti haft áhrif á varp fugla en nú er einn viðkvæmasti tími fuglalífs við vatnið auk þess sem drónaflug getur haft truflandi áhrif fyrir gesti svæðisins. Á grundvelli þess er tekin ákvörðun um að kvíkmyndatakan sé háð leyfi Umhverfisstofnunar.

Skilyrði

Umhverfisstofnun veitir fyrir sitt leyfi til kvíkmyndatöku við Skútustaðagíga, Laxá og bakka Mývatns við Höfða, Kálfaströnd og Neslandavík að uppfylltum eftirfarandi skilyrðum.

Hverasvæði við Leirhnjúkshraun og Hverarönd eru ekki innan verndarsvæðis Mývatns og Laxár og kvíkmyndataka þar ekki háð leyfi Umhverfisstofnunar.

- Umsækjandi skal hafa leyfisbréf meðferðis á meðan á verkefninu stendur.
- Tilkynna skal til Umhverfisstofnunar hvenær undirbúningur fyrir verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu.
- Verði breytingar á tímasetningu verkefnis skal það tilkynnt til Umhverfisstofnunar eins fljótt og auðið er.
- Aðeins skal taka yfirlitsmyndir úr dróna í samræmi við texta í umsókn. Óheimilt er að fljúga dróna undir 15 metrum yfir vatnsborði.
- Óheimilt er að fljúga dróna yfir þekkt varplönd, t.d. í eyjum og hólum Mývatns, við Kritatjörn nærri Skútustöðum og varplönd á Neslandatanga.
- Ekki skal fljúga dróna á ferðamannastöðum milli kl. 10:00 og 16:00 vegna umferðar fólks.
- Aldrei skal að fljúga dróna nálægt fólk og forðast skal að trufla friðsæld svæðisins og upplifun gesta, öryggi þeirra og persónuvernd eins og hægt er.
- Stjórnandi/eigandi dróna ber ábyrgð á honum á svæðinu, að hann skaði ekki fólk, dýralíf, eða náttúruna og skilji ekki eftir sig varanleg ummerki á neinn hátt. Ekki


skal skilja eftir hluta drónans á svæðinu heldur finna og endurheimta alla hluta hans skyldi dróni brotlenda eða bila.

- Að öðru leiti skal haga flugi dróna í samræmi við reglugerð nr. 990/2017 um starfrækslu fjarstýrðra loftfara.
- Allur akstur utan vega er bannaður.
- Einungis skal gengið á merktum göngustígum. Þar sem þarf að fara út fyrir vegi eða göngustíga skal það tryggt að umgangur sé ekki líklegur til að valda gróðurskemmdum.
- Þess skal gætt að valda sem minnstu raski og fjarlægja öll ummerki um verkefnið að því loknu.
- Starfsmenn verkefnis gangi snyrtilega um svæðið og forðist allt rask og þess gætt að allt rusl sé fjarlægt.
- Koma skal fyrir merkingum á tökustað um að leyfi fyrir framkvæmdinni hafi fengist hjá Umhverfisstofnun.
- Kynna skal fyrir starfsfólk og stjórnanda/eiganda dróna þau skilyrði sem fylgia leyfinu áður en undirbúningur og vinna hefst.


Eftirlit

Umhverfisstofnun mun hafa eftirlit með kvíkmyndatökunni. Eftirlitið verður framkvæmt af eftirlitsmanni frá Umhverfisstofnun.

Virðingarfallst



Gunnlaug Einarsdóttir
Sviðsstjóri



Davíð Örvar Hansson
Sérfræðingur